

Ai 11 d'agost dales 17 gnaràl tignì tl *Ćiastel Colz* a La Ila l' evënt ***TI Ćiastel dles liëndes***, na ocajiun de incuntada danter la musiga lirica y la tradiziun dles liëndes ladines. En chësc ann gnaràl portè dant n' omaja al componist Giuseppe Verdi tl aniversar di 200 agn dla nasciüda.

Susy Rottonara, musizista y sopranista da La Ila ćiantarà valgönes dles aries plü conesciüdes dales operes *La Traviata*, *Un ballo in maschera* y *Falstaff* cun acompagnamënt al tlavier de Ulrich Willeit.

Tl' atmosfera magica dl ćiastel renascimental portarà dant l' scritur Roland Verra les liëndes ladines confrontades cun l' monn dl melodram de Verdi.

L' evënt dess valorisé un di monumënc storich-artistics plü importanc dl' Alta Badia, Ćiastel Colz, metü a desposiziun dala proprietara Waltraud Wieser Pizzinini, tres n program cultural particular.

Entrada: 12 € cun aperitif. Poć limità y numerà. Informaziuns y prenotaziuns pro l' Assoziaziun Turistica Badia (lavilla@altabadia.org/0471 847037). Alestimënt da pert dla Lia Culturala Fanes en colaboraziun cun l' Assoziaziun Turistica Badia.